

CYNGOR SIR YNYS MÔN	
Adroddiad i:	PWYLLGOR GWAITH
Dyddiad:	29 EBRILL 2025
Pwnc:	ADRODDIAD BLYNYDDOL A CHYFRIFON STAD ELUSENNOL DAVID HUGHES AC YMDDIRIEDOLAETH ADDYSG BELLACH YNYS MÔN 2023/24
Deilydd(ion) Portffolio:	ROBIN WILLIAMS - DIRPRWY ARWEINYDD A DEILYDD PORTFFOLIO CYLLID A THAI Y CYNGHORYDD DAFYDD RHYS THOMAS, DEILYDD PORTFFOLIO PRIFFYRDD, GWASTRAFF AC EIDDO DAFYDD ROBERTS – DEILYDD PORTFFOLIO - ADDYSG A'R GYMRAEG
Pennaeth Gwasanaeth / Cyfarwyddwr:	MARC JONES - CYFARWYDDWR SWYDDOGAETH (ADNODDAU) / SWYDDOG ADRAN 151
Awdur yr Adroddiad: Ffôn: E-bost:	BETHAN H OWEN – RHEOLWR GWASANAETHAU CYFRIFEG 01248 762663 BethanOwen2@ynysmon.llyw.cymru
Aelodau Lleol:	Amherthnasol
A - Argymhelliad/argymhellion a rheswm/rhesymau	
- Cymeradwyo Adroddiad Blyneddol a Chyfrifon Drafft Ymddiriedolaeth Addysg Bellach Ynys Môn ar gyfer y flwyddyn 2023/24 (Atodiad A). - Dirprwyo'r awdurdod i'r Cyfarwyddwr Swyddogaeth (Adnoddau) / Swyddog Adran 151 lofnodi'r Adroddiad Blyneddol a'r Cyfrifon Terfynol a'u ffeilio gyda'r Comisiwn Elusennol ar ôl cwblhau'r archwiliad yn foddhaol. - Awdurdodi'r Cyfarwyddwr Swyddogaeth (Adnoddau) / Swyddog Adran 151 i gomisiynu adolygiad allanol o weithrediad ac opsiynau buddsoddi'r Ymddiriedolaethau.	
B – Pa opsiynau eraill wnaethoch chi eu hystyried a beth oedd eich rhesymau dros eu gwrthod a/neu ddewis yr opsiwn hwn?	
Nid oes unrhyw opsiynau eraill ar gael oherwydd mae'n ofyniad gan y Comisiwn Elusennau fod y cyfrifon blyneddol yn cael eu cymeradwyo gan gorff cyfrifol yr Ymddiriedolaethau, sef y Pwyllgor Gwaith yn yr achos hwn.	
C – Am ba reswm y mae hwn yn benderfyniad i'r Pwyllgor Gwaith?	
Y Cyngor yw'r unig ymddiriedolwr ac mae'r gwaith o weinyddu busnes yr Ymddiriedolaethau wedi'i ddirprwyo i Bwyllgor Gwaith y Cyngor.	
CH – A yw'r penderfyniad hwn yn gyson â pholisi a gymeradwywyd gan y Cyngor llawn?	
Ydi.	
D – A yw'r penderfyniad hwn o fewn y gyllideb a gymeradwywyd gan y Cyngor?	
Amherthnasol - mae'r cyllid ar gyfer y 2 ymddiriedolaeth ar wahân i gyllid y Cyngor ac nid yw'n cael unrhyw effaith ar gyllid y Cyngor.	

Dd – Asesu'r effaith bosib (os yw'n berthnasol):		
1	Sut mae'r penderfyniad hwn yn effeithio ar ein hanghenion hirdymor fel Ynys?	Ni fydd derbyn y cyfrifon yn effeithio ar anghenion hirdymor yr Ynys. Fodd bynnag, drwy adolygu'r opsiynau buddsoddi gellir ystyried hyfywedd ariannol hirdymor Stad David Hughes a sut y gellir sicrhau cyllid ychwanegol i gefnogi disgyblion a chyn-ddisgyblion ysgolion uwchradd y Cyngor yn y dyfodol.
2	A yw hwn yn benderfyniad y rhagwelir y bydd yn atal costau/dibyniaethau ar yr Awdurdod yn y dyfodol? Os felly, sut?	Bydd yr adolygiad opsiynau buddsoddi'n ystyried sut y gellir sicrhau incwm ychwanegol ar gyfer yr Ymddiriedolaeth Addysg Bellach drwy asedau Stad Elusennol David Hughes.
3	A fuom yn cydweithio â sefydliadau eraill i ddod i'r penderfyniad hwn? Os felly, nodwch gyda phwy.	Nid yw'n gwbl berthnasol, ond mae'r Ymddiriedolaeth wedi dosbarthu cyllid drwy'r 5 ysgol uwchradd a'r Coleg Cymraeg Cenedlaethol.
4	A yw dinasyddion Ynys Môn wedi chwarae eu rhan wrth gynllunio'r ffordd hon ymlaen, gan gynnwys y rhai hynny y mae'r penderfyniad yn effeithio'n uniongyrchol arnynt? Esboniwch sut.	Ddim yn berthnasol
5	Nodwch unrhyw effaith y gallai'r penderfyniad hwn ei gael ar y grwpiau a warchodir o dan Ddeddf Cydraddoldeb 2010.	Ni fydd y penderfyniad yn effeithio ar y grwpiau a warchodir.
6	Os yw hwn yn benderfyniad strategol, nodwch unrhyw effaith y gallai'r penderfyniad ei gael ar unrhyw un sy'n profi anfantais economaidd-gymdeithasol.	Pwrrpas yr Ymddiriedolaeth Addysg Bellach yw darparu cymorth i ddisgyblion a chyn-ddisgyblion 5 ysgol uwchradd y Cyngor fel eu bod yn gallu aros mewn addysg lawn amser neu fynd ymlaen i addysg bellach neu addysg uwch. Mae'r disgyblion sydd yn derbyn cymorth gan yr Ymddiriedolaeth yn tueddu i ddod o deuluoedd dan anfantais economaidd. Nod yr adolygiad a argymhellir yw cynhyrchu incwm ychwanegol ar gyfer yr Ymddiriedolaeth er mwyn cynyddu'r cymorth sydd ar gael.
7	Nodwch unrhyw effaith y gallai'r penderfyniad hwn ei gael ar gyfleoedd i bobl ddefnyddio'r Gymraeg a pheidio â thrin y Gymraeg yn llai ffafriol na'r Saesneg.	Mae'r Ymddiriedolaeth yn darparu grantiau, drwy'r Coleg Cymraeg Cenedlaethol, sy'n cefnogi myfyrwyr sy'n dymuno astudio drwy gyfrwng y Gymraeg ac, felly, mae'n cael effaith gadarnhaol ar y Gymraeg a'r defnydd ohoni.
E - Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Tîm Arweinyddiaeth (TA) (gorfodol)	Mae'r TA wedi ystyried yr adroddiad drafft yn ei gyfarfod ar 1 Ebrill 2025. Roedd y Prif Weithredwr yn cefnogi'r argymhelliad i adolygu'r opsiynau yn gysylltiedig â'r Ymddiriedolaeth.

2	Cyllid / Swyddog 151 (gorfodol)	Awdur yr adroddiad
3	Cyfreithiol / Swyddog Monitro (gorfodol)	Heb dderbyn unrhyw sylwadau.
4	Adnoddau Dynol (AD)	Ddim yn berthnasol
5	Eiddo	Cafwyd trafodaeth gyda'r Gwasanaeth Eiddo ynglŷn â'r ffordd y caiff stad David Hughes ei rheoli ac mae'r Gwasanaeth Eiddo'n cytuno bod angen adolygiad.
6	Technoleg Gwybodaeth a Chyfathrebu	Ddim yn berthnasol
7	Sgriwtini	Ddim yn berthnasol
8	Aelodau Lleol:	Ddim yn berthnasol
9	Unrhyw gyrff allanol / eraill	Mae'r cyfrifon wedi cael eu harchwilio'n allanol, a bydd y penderfyniad yn galluogi'r Cyngor i gydymffurfio â gofynion y Comisiwn Elusennau.
F - Atodiadau		
Atodiad A - Adroddiad Blynyddol a Chyfrifon Ymddiriedolaeth Addysg Bellach Ynys Môn 2023/24		
FF - Papurau cefndir (cysylltwch ag awdur yr adroddiad am unrhyw wybodaeth bellach):		
Adroddiad Blynyddol a Chyfrifon Ymddiriedolaeth Addysg Bellach Ynys Môn 2022/23 - Pwyllgor Gwaith 19 Mawrth 2024 (Eitem 6)		

STAD ELUSENNOL DAVID HUGHES AC YMDDIRIEDOLAETH ADDYSG BELLACH YNYS MÔN

1. PWRPAS YR ADRODDIAD

- 1.1** Yn yr adroddiad hwn ceir trosolwg o'r cefndir i Ymddiriedolaeth Addysg Bellach Ynys Môn. Mae ynddo wybodaeth am statws cyfreithiol yr Ymddiriedolaeth a'r gwahanol elfennau sy'n gysylltiedig â hi. Ceir crynodeb o berfformiad ariannol yr Ymddiriedolaeth. Prif bwrpas yr adroddiad hwn yw gofyn i'r Pwyllgor Gwaith gymeradwyo'r Adroddiad Blynyddol a'r Cyfrifon terfynol ar gyfer y flwyddyn ariannol 2023/24.
- 1.2** Mae'r adroddiad hefyd yn cynnwys diweddariad i Aelodau ynghylch y camau a gymerwyd i ddosbarthu mwy o gyllid yr Ymddiriedolaeth i gyflawni dibenion elusennol yr Ymddiriedolaeth.

2. GWYBODAETH GEFNDIROL

- 2.1** Mae Ymddiriedolaeth Addysg Bellach Ynys Môn yn cynnwys tair cronfa: Cronfa Waddol David Hughes a Chronfa Addysg Bellach Ynys Môn 1/3 a Chronfa Ymddiriedolaeth Addysg Ynys Môn 2/3, sy'n darparu budd addysgol penodol.

2.1.1. Stad Elusennol David Hughes

Mae'r gwaddol yn dyddio'n ôl i 1608 ac, ar hyn o bryd, mae'n cynnwys nifer o blotiau o dir mân-ddaliadau a bythynnod a buddsoddiadau eraill. Mae'r gronfa hon yn casglu rhenti o'r eiddo y mae'n buddsoddi ynddynt a difidendau a llog ar fuddsoddiadau'r Gronfa Fuddsoddi, a reolir gan Reolwyr Cronfa Buddsoddi Blackrock. Caiff costau rheoli, ariannol a gweinyddol y stad eu tynnu o'r rhenti a geir er mwyn penderfynu ar yr incwm net y gellir ei rannu yn ystod y flwyddyn. Caiff chwarter unrhyw incwm net sydd dros ben ei dalu i elusen ddigyswllt, "Elusen David Hughes ar gyfer y Tlodion", a hynny er mwyn lliniaru tldi yng nghymuned Llantrisant. Mae'r incwm sy'n weddill yn cael ei drosglwyddo i Gronfa Addysg Bellach Ynys Môn, sydd wedi ei rhannu'n ddwy gronfa benodol.

2.1.2. Cronfeydd Ymddiriedolaeth Addysg Bellach Ynys Môn 1/3 (Cronfa Gyfyngedig)

Yn ogystal â'r incwm net o Stad Waddol David Hughes, mae'r Ymddiriedolaeth hon hefyd yn derbyn incwm o fuddsoddiadau a reolir gan Blackrock, mewn modd tebyg i Gronfa Waddol David Hughes. Pwrpas y gronfa yw darparu cymorth ariannol i ddisgyblion hŷn y 5 ysgol uwchradd er mwyn iddynt gwblhau eu cyrsiau.

2.1.3. Cronfeydd Ymddiriedolaeth Addysg Bellach Ynys Môn 2/3 (Cronfa Gyfyngedig)

Mae'r elfen hon o'r Ymddiriedolaeth yn derbyn incwm mewn ffordd debyg i'r uchod (2.1.2). Mae'r gronfa i'w defnyddio i helpu pobl ifanc dan 25 oed sydd wedi mynychu un neu fwy o'r 5 ysgol uwchradd am gyfnod o ddwy flynedd ac y mae angen cymorth ariannol arnynt i fynd ymlaen i addysg bellach neu addysg uwch neu hyfforddiant.

2.2 Statws Cyfreithiol

2.2.1. Mae Ymddiriedolaeth Addysg Bellach Ynys Môn yn elusen gofrestredig a Chyngor Sir Ynys Môn yw'r unig ymddiriedolwr. Nid oes unrhyw ddarpariaeth benodol sy'n dirprwyo cyfrifoldeb i'r Cyngor llawn neu swyddog penodol mewn perthynas â'r Ymddiriedolaeth, felly, mae'r penderfyniadau o ran yr Ymddiriedolaeth wedi eu dirprwyo i'r Pwyllgor Gwaith.

2.2.2. Mae rhai swyddogaethau sy'n gysylltiedig â'r Ymddiriedolaeth wedi cael eu dirprwyo i swyddogion mewn ymgynghoriad â'r deilydd portffolio perthnasol:-

- Mae awdurdod mewn perthynas â grantiau addysgol wedi cael ei ddirprwyo i'r Cyfarwyddwr Addysg, Sgiliau a Phobl Ifanc;
- Mae awdurdod mewn perthynas â chytuno ar denantiaethau, pennu rhenti a threfnu rhaglen gynnal a chadw ac atgyweirio wedi ei ddirprwyo i'r Pennaeth Gwasanaeth (Priffyrdd, Gwastraff ac Eiddo);
- Mae awdurdod mewn perthynas â phenderfynu faint o gyllid a ddyrannir i'r tri chynllun bob blwyddyn (o 2019/20 ymlaen) wedi ei ddirprwyo i'r Cyfarwyddwr Swyddogaeth (Adnoddau) / Swyddog Adran 151, a bydd yn ddibynnol ar faint o warged a gynhyrchir gan y gronfa;
- Gall y Prif Weithredwr ymarfer unrhyw swyddogaeth sydd wedi cael ei ddirprwyo i'r Penaethiaid Gwasanaeth.

3. DEFNYDD CYTUNEDIG O GYLLID Y GRONFEYDD YMDDIRIEDOLAETH ADDYSG BELLACH

3.1 Ym mis Hydref 2019, penderfynodd y Pwyllgor Gwaith ddyrannu swm unwaith ac am byth o £55,280 i bob ysgol uwchradd i gyllido costau Anogwyr Dysgu ym mhob ysgol. Byddai'r Anogwyr Dysgu yn cefnogi disgyblion hŷn oedd yn dilyn cyrsiau TGAU a Lefel A. Mater i bob ysgol fyddai penderfynu dros ba gyfnod o amser i ddefnyddio'r cyllid. Byddai'r gost yn cael ei gyllido o'r Gronfa Gyfyngedig 1/3, gan ddefnyddio'r rhan fwyaf o'r balans. Ceir mwy o fanylion am y defnydd a wnaed o'r dyraniadau hyn yn 2023/24 ym mharagraff 5 isod.

3.2 Yn ogystal, penderfynodd y Pwyllgor Gwaith ddyrannu swm ychwanegol o £8,000 fesul ysgol uwchradd i roi grantiau i gynorthwyo myfyrwyr dan anfantais ariannol i sicrhau lleoedd mewn Colegau a Phrifysgolion a / neu helpu i brynu llyfrau ac offer angenrheidiol i ddilyn cyrsiau yn ystod y flwyddyn gyntaf. Mater i bob ysgol fydd asesu pob cais a dyfarnu grantiau ar sail eu meini prawf asesu. Roedd cyfanswm y gost, sef £40,000, i'w gyllido o'r Gronfa Gyfyngedig 2/3. Ceir mwy o fanylion am y defnydd a wnaed o'r dyraniadau hyn yn 2023/24 ym mharagraff 5 isod.

3.3 Yn ogystal, byddai'r Coleg Cymraeg Cenedlaethol yn gweinyddu cynllun ysgoloriaeth ar gyfer myfyrwyr o gefndiroedd dan anfantais ariannol er mwyn iddynt ddilyn cyrsiau Prifysgol neu Goleg trwy gyfrwng y Gymraeg.

4. PERFFORMIAD ARIANNOL 2023/24

4.1 Stad Elusennol David Hughes (Cronfa Waddol)

4.1.1. Mae perfformiad ariannol Stad Elusennol David Hughes wedi'i nodi yn Nhabl 1 isod:-

Tabl 1
Crynodeb o Berfformiad Ariannol Stad Elusennol David Hughes 2023/24

	2023/24 £		2022/23 £
INCWM			
Rhenti a Chostau Eraill	130,113		128,364
Difidendau a Llog Buddsoddiad	5,826		5,693
Llog ar Falansau Arian Parod	21,130		8,631
Cyfanswm Incwm		157,069	142,688
GWARIANT			
Costau Rheoli'r Stad	(185,013)		(147,164)
Costau Cefnogi	(13,582)		(12,276)
		(198,595)	(159,440)
Incwm Net / (Gwariant)		(41,526)	(16,752)
Swm a Ddosbarethwyd i Elusen Tlodion Llantrisant		0	0
Swm a Ddosbarthwyd i Ymddiriedolaeth Addysg Bellach Ynys Môn		0	0
Cyfanswm a Ddosbarthwyd		0	0

4.1.2. Mae gwerth Cronfa'r Ymddiriedolaeth i'w weld yn Nhabl 2 isod:-

Tabl 2
Crynodeb o Werth Cronfa Stad Elusennol David Hughes

	2023/24 £		2022/23 £
Balans Agoriadol y Gronfa		4,587,793	4,345,007
Incwm Net / (Gwariant)	(41,526)		(16,752)
Enillion / (Colledion) Net ar Fuddsoddiadau	3,931		(5,002)
Enillion / (Colledion) Net ar Eiddo	(50,100)		264,540
		(87,695)	242,786
Balans Cau'r Gronfa		4,500,098	4,587,793

	2023/24 £		2022/23 £
Asedau'r Gronfa			
Buddsoddiadau	169,485		165,554
Eiddo Buddsoddi	3,760,400		3,810,500
Dyledwyr	68,596		62,832
Arian yn y Banc	510,122		566,255
Cyfanswm yr Asedau Sefydlog a Chyfredol		4,508,603	4,605,141
Rhwymedigaethau'r Gronfa			
Credydwyr - symiau dyledus ymhen blwyddyn	(8,505)		(17,348)
Cyfanswm Rhwymedigaethau Cyfredol		(8,505)	(17,348)
Cyfanswm Asedau Net		4,500,098	4,587,793

4.2 Ymddiriedolaeth Addysg Bellach Ynys Môn

4.2.1. Mae perfformiad ariannol a balans Ymddiriedolaeth Addysg Bellach Ynys Môn wedi'i grynhoi yn Nhabl 3 isod:-

Tabl 3
Ymddiriedolaeth Addysg Bellach Ynys Môn - Balans y Gronfa ar 31 Mawrth 2024

	2023/24 £		2022/23 £
Balans Agoriadol y Gronfa		297,756	369,772
Incwm o Fuddsoddiadau	11,934		6,752
Grantiau a Ddyfarnwyd	(4,150)		(75,306)
Incwm / (Gwariant) Net		7,784	(68,554)
Enillion / (Colledion) Net ar Fuddsoddiadau		2,756	(3,462)
Trosglwyddiadau o Stad Elusennol David Hughes		0	0
Balans Cau'r Gronfa		308,296	297,756
Asedau'r Gronfa			
Buddsoddiadau		118,448	115,691
Arian yn y Banc		189,848	182,065
Cyfanswm Asedau'r Gronfa		308,296	297,756
Cronfa 1/3 – Disgyblion Cyfredol		116,875	111,886
Cronfa 2/3 – Disgyblion Cyfredol		191,421	185,870
Cyfanswm Asedau'r Gronfa		308,296	297,756

5. GWEITHGAREDDAU ELUSENNOL YN YSTOD Y FLWYDDYN

- 5.1** Ym mis Hydref 2019, penderfynodd y Pwyllgor Gwaith ddyrannu swm o'r gronfa 1/3 i alluogi ysgolion i gyllido costau Anogwyr Dysgu, a fyddai'n darparu cymorth i ddisgyblion sy'n sefyll arholiadau TGAU a lefel A. Dyrannwyd swm cychwynnol o £55,280 i bob ysgol, ynghyd â dyraniad pellach gan fod balans y gronfa yn ddigonol i gyllido'r gost. Mae balans cyfredol y cyllid hwn fesul ysgol i'w weld yn Nhabl 4 isod:-

Tabl 4

Dadansoddiad o'r Cyllid Anogwyr Dysgu fesul Ysgol Uwchradd ar 31 Mawrth 2024


Ysgolion	Dyraniad Cychwynnol	Swm a Ddefnyddiwyd hyd at 31 Mawrth 2023	Balans ar 1 Ebrill 2023	Swm a Ddefnyddiwyd yn 2023/24	Balans ar 31 Mawrth 2024
	£	£	£	£	£
Syr Thomas Jones	55,280	(37,112)	18,168	0	18,168
YU Caergybi	55,280	(51,392)	3,888	0	3,888
YG Llangefni	55,280	(47,420)	7,860	0	7,860
Ysgol David Hughes	55,280	(45,071)	10,209	0	10,209
YU Bodedern	55,280	8,740	64,020	0	64,020
Cyfanswm	276,400	172,255	104,145	0	104,145

- 5.2** Dyfarnodd y Cyfarwyddwr Addysg, Sgiliau a Phobl Ifanc un grant o £1,150 a gyllidwyd o'r Gronfa 1/3.
- 5.3** Nid yw'r £12,730 sy'n weddill yn y Gronfa wedi cael ei ddyrannu ac ni fydd unrhyw gyllid yn cael ei ddyrannu i ysgolion i'r diben hwn ym mlwyddyn ariannol 2024/25.
- 5.4** Dyfarnodd y Coleg Cymraeg Cenedlaethol 6 grant ysgoloriaeth, gwerth £500 yr un, yn ystod y flwyddyn.
- 5.5** Roedd balans y Gronfa 2/3 yn £191,421 ar ddiwedd y flwyddyn ariannol ac mae ar gael i gyllido grantiau yn y dyfodol i gyn-ddisgyblion.

6. PERFFORMIAD BUDDSODDI'R GRONFA

- 6.1** Mae'r Gronfa Ymddiriedolaeth Addysg Bellach yn ddibynnol, yn bennaf, ar faint o warged a gynhyrchir gan gronfa Stad Ymddiriedolaeth David Hughes sydd wedyn yn cael ei drosglwyddo i'r Ymddiriedolaeth Addysg Bellach. Mae perfformiad ariannol Stad Elusennol David Hughes dros y 6 blynedd diwethaf wedi'i nodi yn Nhabl 5 isod:-


Tabl 5



6.2 Mae'r siart uchod yn dangos bod yr enillion ar fuddsoddiadau masnachol yn dda ac maent wedi gwella'n sylweddol yn ystod y ddwy flynedd ddiwethaf. Fodd bynnag, mae'r enillion ar eiddo buddsoddi yn wael iawn ac, yn 2022/23 a 2023/24, roedd yn negyddol.


6.3 Y rheswm dros yr enillion gwael ar eiddo buddsoddi yw bod cytundebau tenantiaeth yn gyfyngedig ac nid oes modd cynyddu rhenti yn sylweddol dros amser. Fodd bynnag, mae'r gost o gynnal a chadw'r eiddo'n parhau i gynyddu wrth i gyflwr eiddo ddirywio a chost llafur a deunyddiau gynyddu. Dangosir hyn yn Nhabl 6 isod:-

Tabl 6



- 6.4 O ganlyniad i'r enillion gwael ar eiddo, nid yw Stad Elusennol David Hughes wedi llwyddo i gyfrannu at Ymddiriedolaeth Addysg Bellach Ynys Môn yn y 2 flynedd ddiwethaf gan nad oedd unrhyw warged, fel y gwelir yn Nhabl 7 isod:-

Tabl 7



- 6.5 Heb y llif hwn mewn incwm i mewn i Ymddiriedolaeth Addysg Bellach Ynys Môn, ni all yr Ymddiriedolaeth ddarparu cymorth i ddisgyblion a chyn-ddisgyblion 5 ysgol uwchradd y Cyngor, sef prif bwrpas yr Ymddiriedolaeth.

- 6.6 Heb newid yn y strategaeth yn gysylltiedig â Stad Elusennol David Hughes, mae'r sefyllfa'n debygol o barhau, heb gynnydd sylweddol mewn incwm rhent ond cynnydd parhaus mewn costau atgyweirio dydd i ddydd y Stad ac, felly, daw adeg pan y bydd angen buddsoddiad cyfalaf sylweddol i gynnal a chadw'r eiddo fel eu bod yn addas ar gyfer eu gosod.

- 6.7 Daeth y mater i'r amlwg pan gyflwynwyd y Cyfrifon a'r Adroddiad Blynnyddol ar gyfer 2022/23 i'r Pwyllgor Gwaith ym Mawrth 2024, a phenderfynodd y Pwyllgor Gwaith y byddai'n:-

Dirprwyo awdurdod i'r Cyfarwyddwr Swyddogaeth (Adnoddau) / Swyddog Adran 151, mewn ymgynghoriad â'r Pennaeth Priffyrdd, Gwastraff ac Eiddo, i archwilio opsiynau ar gyfer cynyddu incwm Stad Elusennol David Hughes er mwyn diogelu hyfywedd hirdymor Cronfa Addysg Bellach Ynys Môn er budd pobl ifanc Ynys Môn. Caiff adroddiad pellach ei gyflwyno i'r Pwyllgor Gwaith i benderfynu pa opsiwn y dylid ei ddilyn.

- 6.8 Fodd bynnag, oherwydd diffyg capasiti yn y Swyddogaeth Adnoddau a'r Gwasanaethau Eiddo, nid oes unrhyw gynnydd wedi'i wneud o ran gweithredu'r argymhelliad hwn. Felly, gofynnir i'r Pwyllgor Gwaith awdurdodi'r Cyfarwyddwr Swyddogaeth (Adnoddau) / Swyddog Adran 151 i benodi cymorth allanol i gynnal yr adolygiad. Byddai'r adolygiad yn ystyried:-

- Y cytundebau tenantiaeth presennol a p'un a oes modd eu hadolygu i gynyddu'r incwm rhent a gynhyrchir;
- Y referniw a'r buddsoddiad cyfalaf angenrheidiol i gynnal a chadw'r stad;

- Pe byddai o fwy o fudd ariannol i'r Ymddiriedolaeth gael gwared ar rywfaint neu'r cyfan o'r stad a buddsoddi'r cyllid a gynhyrchir i sicrhau mwy o enillion i'r Ymddiriedolaeth,
- Adolygu'r polisi buddsoddi presennol i weld pe gellid sicrhau mwy o enillion ar fuddsoddiadau'r Ymddiriedolaeth pe byddai'r polisi'n cael ei newid (byddai hyn yn gysylltiedig â Stad Elusennol David Hughes ac Ymddiriedolaeth Addysg Bellach Ynys Môn).

**CRONFA YMDDIRIEDOLAETH ADDYSG
BELLACH YNYS MÔN**

**ANGLESEY FURTHER EDUCATION TRUST
FUND**

**ADRODDIAD BLYNYDDOL A
CHYFRIFON**

**ANNUAL REPORT AND
ACCOUNTS**

2023/24

Rhif Cofrestru Elusen / Charity Registration No.

525254

CYNNWYS Y DATGANIAD ARIANNOL AM Y FLWYDDYN YN DIWEDDU
31 MAWRTH 2024

	Tudalen
Adroddiad yr Ymddiriedolwyr	1-5
Adroddiad yr Archwiliwr Annibynnol	6
Datganiad o Weithgareddau Ariannol	7
Mantolen	8
Nodiadau ar y Datganiadau Ariannol	9-15

ADRODDIAD YR YMDDIRIEDOLWYR AM Y FLWYDDYN YN DIWEDDU 31 MAWRTH 2024

Mae'r ymddiriedolwyr yn cyflwyno eu hadroddiad gyda datganiadau ariannol yr elusen am y flwyddyn yn diweddu 31 Mawrth 2024. Mae'r ymddiriedolwyr wedi mabwysiadu darpariaethau'r Datganiad o'r Arfer a Argymhellir (SORP): Cyfrifyddu ac Adrodd gan Elusennau sy'n berthnasol i elusennau wrth baratoi eu cyfrifon yn unol â'r Safonau Adrodd Ariannol sy'n berthnasol yn y DU a Gweriniaeth Iwerddon (FRS102), sy'n weithredol o 1 Ionawr 2015.

MANYLION CYFREITHIOL A GWEINYDDOL

Rhif Cofrestru Elusen:

525254

Cyfeiriad y Brif Swyddfa:

Cyngor Sir Ynys Môn
Swyddfa'r Sir
Llangefni
Ynys Môn
LL77 7TW

Ymddiriedolwr:

Unig ymddiriedolwr Ymddiriedolaeth Addysg Bellach Ynys Môn yw Cyngor Sir Ynys Môn, a gweinyddwyd gweithgareddau'r Ymddiriedolaeth ar ei rhan gan y Cyngor Sir.

Archwiliwr Annibynnol:

Mr. Brian Hughes
A. Hughes-Jones, Dyson & Co
Capel Moreia
De Penrallt
Caernarfon
Gwynedd
LL55 1NS

STRWYTHUR, LLYWODRAETHU A RHEOLI

Dogfen Lywodraethu:

Rheolir yr elusen gan ei ddogfen lywodraethu, gweithred ymddiriedolaeth, ac mae'n ymgorffori elusen anghorfforedig.

Rheoleiddir Cronfa Ymddiriedolaeth Addysg Bellach Ynys Môn gan gynllun a wnaed gan y Bwrdd Addysg ar 23 Mawrth 1939, ac fe'i haddaswyd yn sylweddol gan gynllun dyddiedig 18 Gorffennaf 1960. Mae'r rhain yn nodi'r dyletswyddau, pwerau a'r amodau y mae'n ofynnol i'r Ymddiriedolaeth weithredu oddi tanynt.

Recriwtio a phenodi ymddiriedolwyr newydd:

Cyngor Sir Ynys Môn yw unig ymddiriedolwr Cronfa Ymddiriedolaeth Addysg Bellach Ynys Môn. Mae'r elusen yn cael ei rhedeg gan Bwyllgor Gwaith y Cyngor.

Caiff ymddiriedolwyr newydd eu briffio am eu cyfrifoldebau cyfreithiol o dan gyfraith elusennol, cynnwys y ddogfen lywodraethu a'r broses gwneud penderfyniadau. Nodir ac ymdrinnir yn fewnol ag anghenion hyfforddiant gan ymddiriedolwyr presennol eraill a swyddogion y Cyngor.

Strwythur y Sefydliad:

Cyngor Sir Ynys Môn yw unig ymddiriedolwr Cronfa Ymddiriedolaeth Addysg Bellach Ynys Môn, a gweinyddir gweithgareddau'r Ymddiriedolaeth ar ei rhan gan y Cyngor Sir.

Mae strwythur y sefydliad wedi bod fel a ganlyn:-

- Mae Pwyllgor Gwaith y Cyngor yn gweithredu fel yr Ymddiriedolwr.
- Mae gan Bennaeth Gwasanaeth (Dysgu Gydol Oes) y Cyngor, ar y cyd â'r Deilydd Portffolio Dysgu Gydol Oes, yr awdurdod dirprwyedig i ddyfarnu'r grantiau blynyddol.
- Mae gan Bennaeth Gwasanaeth (Prifffyrdd, Gwastraff ac Eiddo) y Cyngor ar y cyd â'r Deilydd Portffolio Prifffyrdd, Gwastraff ac Eiddo yr awdurdod dirprwyedig i reoli cytundebau tenantiaeth ac i osod rhenti'r portffolio eiddo (Gwaddol David Hughes).
- Bydd Pwyllgor Gwaith y Cyngor yn cymeradwyo cyfrifon yr Ymddiriedolaeth a dirprwyir awdurdod i arwyddo Cyfrifon Blynyddol yr Ymddiriedolaeth i'r Swyddog Adran 151.

Arweinwyr strategol y Cyngor Sir oedd:-

- Prif Weithredwr – Dylan Williams
- Dirprwy Brif Weithredwr – Rhys Hughes
- Cyfarwyddwr Swyddogaeth (Adnoddau) a Swyddog Adran 151 – Marc Jones
- Cyfarwyddwr Swyddogaeth (Busnes y Cyngor) a Swyddog Monitro – Lynn Ball

Partïon Cysylltiedig:

Oherwydd natur gweithrediadau'r elusen a gan mai unig ymddiriedolwr yr elusen yw Cyngor Sir Ynys Môn, mae'n anochel y bydd trafodion yn digwydd gyda sefydliadau sy'n gysylltiedig â'r Cyngor a'i weithwyr. Cynhelir yr holl drafodion gyda sefydliadau y gall Cyngor Sir Ynys Môn fod â diddordeb ynddynt o hyd braich. Mae gan y Cyngor bolisi lle bod rhaid i bob ymddiriedolwr ddatgan diddordeb os bydd trafodyn yn ymwneud â pharti cysylltiedig yn digwydd.

Rheoli Risg:

Adolygwyd y prif risgiau y mae'r Ymddiriedolaeth yn agored iddynt, fel y nodwyd gan yr Ymddiriedolwr, a sefydlwyd systemau neu weithdrefnau i reoli'r risg.

AMCANION A GWEITHGAREDDAU

Nodau ac Amcanion:

Mae Cronfa Ymddiriedolaeth Addysg Bellach Ynys Môn yn cynnwys tair cronfa: Gwaddol David Hughes; Cronfa Addysg Bellach Ynys Môn 1/3 a Chronfa Addysg Bellach Ynys Môn 2/3, gyda'r nod o ddarparu budd addysgol penodol.

Stâd Elusennol David Hughes (Cronfa Waddol):

Mae'r gronfa hon yn casglu rhenti o'i eiddo buddsoddi a llog ar ei fuddsoddiadau. Caiff costau rheoli a gweinyddu'r stâd eu didynnu o'r rhenti a dderbynnir i gael yr incwm net am y flwyddyn y gellir ei ddosbarthu neu wariant net.

Gwneir taliad o chwarter yr incwm net i elusen heb gysylltiad, "Elusen David Hughes ar gyfer y Tlodion" er mwyn lliniaru tlodi yng nghymuned Llantrisant. Mae'r incwm sy'n weddill yn ffurfio Cronfa Addysg Bellach Ynys Môn:-

Cronfeydd Ymddiriedolaeth Addysg Bellach Ynys Môn:

Dyrennir traean o'r Gronfa Gyffredinol i ddarparu budd arbennig, o unrhyw fath na ddarperir gan yr Awdurdod fel arfer, i helpu disgyblion hŷn i orffen eu cyrsiau mewn unrhyw un o'r ysgolion a enwir yn y cynllun – y pum ysgol uwchradd a gynhelir gan y Cyngor Sir. Mae'r ddwy ran o dair sy'n weddill yn y Gronfa Gyffredinol ar gael er budd rhai o dan 25 oed, sydd wedi mynychu unrhyw un o'r ysgolion a enwir yn y cynllun am o leiaf ddwy flynedd, ac sydd angen cymorth ariannol ar gyfer Addysg Bellach neu Addysg Uwch neu hyfforddiant. Mae'r Ymddiriedolaeth wedi adnabod tri chynllun gyda'r bwriad o gynyddu nifer y grantiau a ddyfernir yn y dyfodol.

Dyrannu Grantiau:

Dyrennir grantiau i unigolion sydd wedi mynychu neu sy'n mynychu un o'r pum ysgol uwchradd a gynhelir gan y Cyngor Sir ac sy'n bodloni'r meini prawf uchod. Gall hyn fod drwy daliadau a wneir i bob ysgol uwchradd neu drwy gynllun ysgoloriaeth i'w weinyddu gan y 'Coleg Cymraeg Cenedlaethol' i fyfyrwyr o gefndiroedd dan anfantais ariannol i ddilyn cyrsiau trwy gyfrwng y Gymraeg.

Budd Cyhoeddus:

Mae'r ymddiriedolwyr yn cadarnhau eu bod wedi cyfeirio at yr arweiniad a gynhwysir yng nghanllawiau cyffredinol y Comisiynydd Elusennau ar fudd cyhoeddus wrth adolygu nodau ac amcanion yr elusen ac wrth gynllunio gweithgareddau i'r dyfodol a phennu'r broses o ddyrannu grantiau.

LLWYDDIANT A PHERFFORMIAD

Gweithgareddau Elusennol:

Mae'r elusen wedi parhau i ddiogelu asedau'r Ymddiriedolaeth.

Mae'r elusen bellach yn dyrannu cyllid i bob un o ysgolion uwchradd yr Ynys. Er mwyn cynorthwyo disgyblion presennol, cynigiwyd hyd at £56k i bob ysgol i gychwyn i gyllido cost Anogwyr Dysgu. Rhoddwyd hefyd £8,560 i bob ysgol i'w galluogi i gynorthwyo myfyrwyr sydd dan anfantais ariannol i gael lleoedd mewn colegau a phrifysgolion a/neu helpu i brynu llyfrau ac offer sy'n ofynnol i fynychu'r cyrsiau yn y flwyddyn gyntaf.

Yn ystod 2023/24, parhaodd y cynllun ysgoloriaethau Coleg Cymraeg Cenedlaethol, a derbyniodd chwech chyn-ddisgybl £500 yr un ac un yn derbyn £1,150.

ADOLYGIAD ARIANNOL

Perfformiad Ariannol:

Cyn enillion a cholledion ar fuddsoddiadau, roedd gan y Gronfa Waddol wariant net o £41,527 oherwydd buddsoddiad uwch yn ei bortffolio eiddo.

Mae gwerth buddsoddiadau'r Ymddiriedolaeth wedi cynyddu £3,931 y flwyddyn yma, ond arweiniodd ailbrisio un darn o dir at golled o £50,100. Mae hyn yn rhoi gostyngiad o £77,156 yng nghronfeydd yr elusen ar gyfer y flwyddyn.

O ganlyniad, cyfanswm y cronfeydd ar 31 Mawrth 2024 oedd £4,808,393, ac mae'r holl gronfeydd yn gyfyngedig.

Prif ffynonellau cyllido:

Prif ffynonellau cyllido'r elusen yw incwm rhent gan denantiaid ac incwm buddsoddi ar ffurf difidendau, llog buddsoddi neu log ar adneuon.

Polisi ac amcanion buddsoddi:

Mae portffolio eiddo sy'n heneiddio'r elusen wedi gofyn am fuddsoddiad sylweddol. Mae ymddiriedolwr yr elusen wedi mynd trwy gyfnod o atgyfnerthu er mwyn cynhyrchu'r cronfeydd ariannol angenrheidiol i ail-fuddsoddi yn ei asedau. Yn ogystal, mae'r elusen yn dal tua 10% o Gyfanswm ei Asedau Sefydlog mewn Cronfeydd Buddsoddi, sy'n cynhyrchu difidend ac incwm llog.

Cynlluniau ar gyfer y dyfodol:

Mae Ymddiriedolaeth Addysg Bellach Ynys Môn yn gweithredu fel busnes hyfyw ar gyfer y dibenion elusennol a nodwyd uchod.

DATGANIAD CYFRIFOLDEB YR YMDDIRIEDOLWYR

Mae'r ymddiriedolwyr yn gyfrifol am baratoi Adroddiad yr Ymddiriedolwyr a'r Datganiadau Ariannol yn unol â'r gyfraith berthnasol a Safonau Cyfrifyddu'r Deyrnas Unedig (Arfer Cyfrifeg Gyffredinol Dderbyniol y Deyrnas Unedig).

Mae'n ofynnol yn ôl y gyfraith sy'n berthnasol i elusennau yng Nghymru a Lloegr, y Ddeddf Elusennau, Rheoliadau Elusennau (Cyfrifon ac Adroddiadau) a darpariaethau'r weithred ymddiriedolaeth fod yr ymddiriedolwyr yn paratoi datganiadau ariannol ar gyfer pob blwyddyn ariannol sy'n rhoi darlun cywir a theg o sefyllfa bresennol yr elusen ac o'r adnoddau a dderbyniwyd ac o'r defnydd a wnaed o adnoddau, yn cynnwys incwm a gwariant, yr elusen am y cyfnod hwnnw. Wrth baratoi'r datganiadau ariannol hynny, rhaid i'r ymddiriedolwyr:-

- ddewis polisïau cyfrifyddu addas ac yna eu gweithredu'n gyson;
- ddilyn y dulliau a'r egwyddorion yn y SORP Elusennau;
- wneud dyfarniadau ac amcangyfrifon sy'n rhesymol ac yn ddarvoudus;
- baratoi'r datganiadau ariannol ar sail busnes hyfyw oni bai ei fod yn amhriodol tybio y bydd yr elusen yn parhau i weithredu.

Mae'r ymddiriedolwyr yn gyfrifol am gadw cofnodion cyfrifo priodol sy'n datgelu gyda chywirdeb rhesymol ar unrhyw adeg sefyllfa ariannol yr elusen ac er mwyn eu galluogi i sicrhau bod y datganiadau ariannol yn cydymffurfio â'r Ddeddf Elusennau, Rheoliadau Elusennau (Cyfrifon ac Adroddiadau) a darpariaethau'r weithred ymddiriedolaeth. Maent hefyd yn gyfrifol am ddiogelu asedau'r elusen ac, felly, am gymryd camau rhesymol i atal a chanfod twyll ac anghysondebau eraill.

Llofnodwyd gan y Cyfarwyddwr Swyddogaeth (Adnoddau) / Swyddog Adran 151 o dan awdurdod dirprwyedig ar ran yr Ymddiriedolaeth:-

R Marc Jones FCPFA

Dyddiad

Cyfarwyddwr Swyddogaeth (Adnoddau) / Swyddog Adran 151

Adroddiad yr archwiliwr annibynnol i ymddiriedolwyr Cronfa Ymddiriedolaeth Addysg Bellach Ynys Môn

Rwy'n adrodd i'r Ymddiriedolwyr ar fy archwiliad o gyfrifon Cronfa Ymddiriedolaeth Addysg Bellach Ynys Môn am y flwyddyn yn diweddu 31 Mawrth 2024, a nodir ar dudalennau 7-15.

Cyfrifoldebau a sail yr adroddiad

Fel ymddiriedolwyr elusen yr Ymddiriedolaeth, rydych yn gyfrifol am baratoi'r cyfrifon yn unol â gofynion Deddf Elusennau 2011 ('y Ddeddf').

Rwy'n adrodd ar sail fy archwiliad o gyfrifon yr Ymddiriedolaeth a gynhaliwyd o dan Adran 145 o Ddeddf 2011 ac, wrth gynnal fy archwiliad, rwyf wedi dilyn yr holl gyfarwyddiadau cymwys a roddwyd gan y Comisiwn Elusennol o dan Adran 145(5)(b) o'r Ddeddf.

Datganiad yr archwiliwr annibynnol

Rwyf wedi cwblhau fy archwiliad. Cadarnhaf nad oes unrhyw faterion o bwys wedi dod i fy sylw mewn cysylltiad â'r archwiliad sy'n rhoi rheswm i mi gredu mewn unrhyw fodd perthnasol:-

1. Nad yw cofnodion cyfrifo mewn perthynas â'r Ymddiriedolaeth wedi cael eu cadw'n unol ag Adran 130 y Ddeddf; neu
2. Nad yw'r cyfrifon yn cyd-fynd â'r cofnodion hynny; neu
3. Nad yw'r cyfrifon yn cydymffurfio gyda'r gofynion perthnasol o ran ffurf a chynnwys y cyfrifon a nodir yn Rheoliadau Elusennol (Cyfrifon ac Adroddiadau) 2008, ac eithrio unrhyw ofyniad bod y cyfrifon yn 'adlewyrchiad cywir a theg' sydd ddim yn fater a ystyrir fel rhan o archwiliad annibynnol.

Nid oes gennyf unrhyw bryderon ac nid wyf wedi dod ar draws unrhyw faterion eraill mewn perthynas â'r archwiliad y dylid dwyn sylw atynt yn yr adroddiad hwn er mwyn sicrhau y gellir deall y cyfrifon yn iawn.

Llofnod: _____

Dyddiad: _____

Brian Hughes FCA
A. Hughes-Jones, Dyson & Co.
Cyfrifwyr Siartredig ac Archwilwyr Cofrestredig
Capel Moreia, De Penrallt, Caernarfon, Gwynedd

**DATGANIAD O WEITHGAREDDAU ARIANNOL AM Y FLWYDDYN YN DIWEDDU 31 MAWRTH
2024**

	Nodiadau	Cronfeydd Cyfyngedig £	Cronfeydd Waddol £	Cyfanswm Cronfeydd £	Cyfanswm Cronfeydd £
Incwm a Gwaddoliadau o:					
Incwm Buddsoddi	2	11,934	157,068	169,002	149,440
Cyfanswm Incwm		11,934	157,068	169,002	149,440
Gwariant ar:					
Rheoli Buddsoddiadau	3	-	(185,013)	(185,013)	(147,164)
Gweithgareddau Elusennol	4	(4,150)	-	(4,150)	(75,306)
Costau Cefnogi	5	-	(13,582)	(13,582)	(12,276)
Cyfanswm Gwariant		(4,150)	(198,595)	(202,745)	(234,746)
		7,784	(41,527)	(33,743)	(85,306)
Taliad o 25% o incwm net i Elusen David Hughes ar gyfer y Tlodion	6	-	-	-	-
Trosglwyddiad o'r incwm Gwaddol net sy'n weddill i'r Cronfeydd Ymddiriedolaeth Addysg Bellach		-	-	-	-
Incwm / (Gwariant) Net cyn Enillion a Cholledion ar Fuddsoddiadau		7,784	(41,527)	(33,743)	(85,306)
Enillion / (Colledion) net ar Fuddsoddiadau	7	2,756	(46,169)	(43,413)	256,076
Incwm / (Gwariant) net		2,756	(46,169)	(43,413)	256,076
Symudiad net mewn Cronfeydd		10,540	(87,696)	(77,156)	170,770
Cysoni Cronfeydd:					
Cyfanswm cronfeydd a ddygwyd ymlaen		297,756	4,587,793	4,885,549	4,714,779
Cyfanswm cronfeydd wedi'u cario drosodd		308,296	4,500,097	4,808,393	4,885,549

MANTOLEN AM Y FLWYDDYN YN DIWEDDU 31 MAWRTH 2024

	Nodiadau	Cronfeydd Cyfyngedig £	Cronfeydd Gwaddol £	Cyfanswm Cronfeydd £	Cyfanswm Cronfeydd £
Buddsoddiadau a restrwyd neu a fasnachwyd ar Gyfnewidfa Stoc gydnabyddedig	7a	118,448	169,485	287,933	281,245
Eiddo Buddsoddi - Stâd David Hughes	7b	-	3,760,400	3,760,400	3,810,500
Cyfanswm Asedau Sefydlog		118,448	3,929,885	4,048,333	4,091,745
Asedau Cyfredol					
Dyledwyr	8	-	68,595	68,595	62,832
Arian yn y banc ac mewn llaw	9	189,848	510,122	699,970	748,320
Cyfanswm Asedau Cyfredol		189,848	578,717	768,565	811,152
Rhwymedigaethau Credydwyr: symiau'n ddyledus o fewn blwyddyn	10	-	(8,505)	(8,505)	(17,348)
Asedau neu (Rwymedigaethau) Cyfredol Net		189,848	570,212	760,060	793,804
Credydwyr: symiau'n ddyledus ar ôl mwy na blwyddyn		-	-	-	-
Darpariaethau ar gyfer Rhwymedigaethau		-	-	-	-
Cyfanswm Asedau neu (Rwymedigaethau) Net		308,296	4,500,097	4,808,393	4,885,549
Cronfeydd yr Elusen	11				
Cronfeydd Gwaddol		-	4,500,097	4,500,097	4,587,793
Cronfeydd Incwm Cyfyngedig		308,296	-	308,296	297,756
Cyfanswm Cronfeydd Elusennol		308,296	4,500,097	4,808,393	4,885,549

Arwyddwyd y datganiadau ariannol gan y Cyfarwyddwr Swyddogaeth (Adnoddau) / Swyddog Adran 151 o dan awdurdod dirprwyedig:

R Marc Jones FCPFA
Cyfarwyddwr Swyddogaeth (Adnoddau) / Swyddog Adran 151

Dyddiad

1. POLISIÂU CYFRIFYDDU

Confensiwn Cyfrifo

Paratowyd y datganiadau ariannol dan y confensiwn cost hanesyddol ac eithrio buddsoddiadau, sy'n cael eu cynnwys ar sail gwerth y farchnad. Mae hyn fel yr addaswyd drwy ailbrisio asedau penodol ac yn unol â'r SORP Elusennau (FRS102) (a ddaeth i rym Ionawr 2015), Deddf Elusennau 2011 a gofynion y Datganiad o'r Arfer a Argymhellir, Cyfrifyddu ac Adrodd gan Elusennau.

Adnoddau a dderbyniwyd

Caiff yr holl adnoddau a dderbynnir eu cydnabod unwaith y mae gan yr elusen hawl i'r adnoddau, ei bod yn sicr y derbynnir yr adnoddau, ac y gellir mesur gwerth ariannol yr adnoddau a dderbynnir gyda digon o ddibynadwyedd.

Adnoddau a wariwyd

Cyfrifir gwariant ar sail gronadol ac fe'i dosbarthwyd o dan benawdau sy'n cyfuno'r holl gostau sy'n gysylltiedig â'r categori. Lle na ellir priodoli'r costau'n uniongyrchol o dan benawdau penodol, fe'u dyrannwyd i weithgareddau ar sail sy'n gyson â'r defnydd o adnoddau.

Costau cynhyrchu cronfeydd

Mae costau cynhyrchu cronfeydd yn cynnwys costau rheoli buddsoddiadau.

Eiddo buddsoddi

Dangosir eiddo buddsoddi ar sail y prisiad mewnol mwyaf diweddar. Caiff cyfanswm unrhyw warged neu ddifffyg ariannol yn sgil newidiadau mewn gwerth ar y farchnad ei drosglwyddo i'r gronfa waddol.

Trethiant

Mae'r elusen wedi'i heithrio rhag treth ar ei gweithgareddau elusennol.

Treth ar Werth

Gall yr elusen adennill Treth ar Werth trwy ei hymddiriedolwr, Cyngor Sir Ynys Môn, felly, lle mae'n briodol, dangosir gwariant yn net o Dreth ar Werth.

Strwythur y Gronfa

Mae gan yr elusen dair cronfa, un gwaddol a dwy gyfyngedig.

Stâd Elusennol David Hughes (Cronfa Waddol)

Mae'r gronfa hon yn casglu rhenti o'i eiddo buddsoddi a llog ar ei fuddsoddiadau. Caiff costau rheoli a gweinyddu'r stâd eu didynnu o'r rhenti a dderbynnir i gael yr incwm net am y flwyddyn y gellir ei ddosbarthu.

Gwneir taliad o chwarter yr incwm net i elusen heb gysylltiad, "Elusen David Hughes ar gyfer y Tlodion", er mwyn lliniaru tlodi yng nghymuned Llantrisant.

Mae'r incwm sy'n weddill yn ffurfio Cronfa Ymddiriedolaeth Addysg Bellach Ynys Môn, sy'n cael ei rhannu'n ddwy:

Cronfa Ymddiriedolaeth Addysg Bellach Ynys Môn 1/3 (Cronfa Gyfyngedig)

Dyrennir traean o Gronfa Ymddiriedolaeth Addysg Bellach Ynys Môn i ddarparu budd arbennig, o unrhyw fath na ddarperir gan yr Awdurdod fel arfer, i helpu disgyblion hŷn i orffen eu cyrsiau mewn unrhyw un o'r ysgolion a enwir yn y cynllun – y pum ysgol uwchradd a gynhelir gan y Cyngor Sir.

Cronfa Ymddiriedolaeth Addysg Bellach Ynys Môn 2/3 (Cronfa Gyfyngedig)

Mae'r ddwy ran o dair sy'n weddill o Gronfa Ymddiriedolaeth Addysg Bellach Ynys Môn ar gael er budd rhai o dan 25 oed, sydd wedi mynychu unrhyw un o'r ysgolion sydd wedi'u cynnwys yn y cynllun am o leiaf ddwy flynedd, ac sydd angen cymorth ariannol ar gyfer addysg bellach neu addysg uwch neu hyfforddiant.

Nid oes gan yr elusen unrhyw incwm anghyfyngedig.

Buddsoddiadau asedau sefydlog

Caiff buddsoddiadau eu datgan ar sail eu gwerth ar y farchnad ar ddyddiad y fantolen. Mae datganiad o weithgareddau ariannol yn cynnwys yr enillion a'r colledion net sy'n codi o ailbrisio a gwarediadau yn ystod y flwyddyn.

Enillion a cholledion wedi'u gwireddu

Mae'r holl enillion a cholledion yn cael eu cynnwys ar y Datganiad o Weithgareddau Ariannol wrth iddynt godi. Caiff enillion a cholledion wedi'u gwireddu ar fuddsoddiadau eu cyfrifo fel y gwahaniaeth rhwng enillion gwerthiant a gwerth y farchnad agoriadol (neu ddyddiad prynu os yw'n hwyrach). Caiff enillion a cholledion heb eu gwireddu eu cyfrifo fel y gwahaniaeth rhwng gwerth y farchnad ar ddiwedd y flwyddyn a gwerth y farchnad agoriadol (neu ddyddiad prynu os yw'n hwyrach). Nid yw enillion wedi'u gwireddu ac enillion heb eu gwireddu wedi'u nodi ar wahân yn y Datganiad o Weithgareddau Ariannol.

2. INCWM BUDDSODDI

Incwm Buddsoddi	Cronfeydd Cyfyngedig £	Cronfeydd Gwaddol £	Cyfanswm 31.3.24 £	Cyfanswm 31.3.23 £
Rhenti a dderbyniwyd	-	129,603	129,603	127,364
Trethi dŵr - ad-daliadau	-	510	510	1,000
Incwm arall o Stâd David Hughes	-	-	-	-
Difidendau a llog buddsoddiad	4,070	5,826	9,896	9,670
Llog arall	7,864	21,130	28,994	11,406
Cyfanwm Incwm Buddsoddi	11,934	157,069	169,003	149,440

3. COSTAU RHEOLI BUDDSODDIADAU

Costau Rheoli Buddsoddiadau	Cronfeydd Cyfyngedig £	Cronfeydd Gwaddol £	Cyfanswm 31.3.24 £	Cyfanswm 31.3.23 £
Atgyweirio a Chynnal a Chadw Stâd David Hughes	-	(182,237)	(182,237)	(134,036)
Taliadau Dŵr	-	(3,836)	(3,836)	(3,474)
Gwasanaethau Proffesiynol	-	-	-	-
Costau eiddo eraill	-	1,060	1,060	(5,057)
Darpariaeth ar gyfer drwg-ddyledion	-	-	-	(4,597)
Cyfanswm Costau Rheoli Buddsoddiadau	-	(185,013)	(185,013)	(147,164)

4. GWEITHGAREDDAU ELUSENNOL

Gweithgareddau Elusennol	Cronfeydd Cyfyngedig £	Cronfeydd Gwaddol £	Cyfanswm 31.3.24 £	Cyfanswm 31.3.23 £
Grantiau addysgol a ddyfarnwyd	(4,150)	-	(4,150)	(3,000)
Grantiau i ysgolion - annogwyr dysgu	-	-	-	(72,306)
Grantiau i ysgolion - cymorth tuag at addysg uwch	-	-	-	-
Cyfanswm Gwariant Elusennol	(4,150)	-	(4,150)	(75,306)

Mae'r grantiau Addysg a ddyfarnwyd yn cynnwys chwe grant ysgoloriaeth gwerth £500 a ddyfarnwyd i gyn-ddisgyblion drwy Goleg Cymraeg Cenedlaethol, ac un grant o £1,150.

Mae'r Ymddiriedolaeth yn cymhwyso'r eithriad a ganiateir o dan y Gyfraith Elusennau a'r SORP i gadw enwau'r rhai sy'n derbyn grant yn gyfrinachol.

5. COSTAU CEFNOGI

Costau Cefnogi	Cronfeydd Cyfyngedig £	Cronfeydd Gwaddol £	Cyfanswm 31.3.24 £	Cyfanswm 31.3.23 £
Costau gweinyddu a rheoli eiddo	-	(8,567)	(8,567)	(7,919)
Costau cyfrifo a chefnogi	-	(4,004)	(4,004)	(3,387)
Tâl yr Archwiliwr Annibynnol	-	(1,010)	(1,010)	(970)
Cyfanswm Costau Cefnogi	-	(13,581)	-	(12,276)

6. DOSBARTHU INCWM NET Y GRONFA WADDOL

Mae 25% o incwm net cyn enillion a cholledion ar fuddsoddiadau'r gronfa Waddol i'w dalu i elusen David Hughes ar gyfer y Tlodion. Mae'r gweddill yn cael ei rannu rhwng y Cronfeydd Ymddiriedolaeth Addysg Bellach gyfyngedig ar sail 1/3 a 2/3:-

Dosbarthu Incwm Net y Gronfa Waddol	Cyfanswm 31.3.24 £	Cyfanswm 31.3.23 £
Incwm net ar gael i'w ddosbarthu cyn enillion a cholledion ar fuddsoddiadau	-	-
Talu 25% i Elusen David Hughes ar gyfer y Tlodion	-	-
Trosgwlyddo 25% i Ymddiriedolaeth Addysg Bellach 1/3	-	-
Trosgwlyddo 50% i Ymddiriedolaeth Addysg Bellach 2/3	-	-

7. BUDDSODDIADAU

Enillion / (Colledion) Net ar Fuddsoddiadau	Cronfeydd Cyfyngedig £	Cronfeydd Gwaddol £	Cyfanswm 31.3.24 £	Cyfanswm 31.3.23 £
Enillion / (Colledion) ar Gronfeydd Buddsoddi a restrwyd	2,756	3,931	6,687	(8,464)
Enillion / (Colledion) ar Eiddo Buddsoddi	-	(50,100)	(50,100)	264,540
Cyfanswm Enillion / (Colledion) Net	2,756	(46,169)	(43,413)	256,076

a. BUDDSODDIADAU A RESTRWYD NEU A FASNACHWYD AR GYFENWIDFA STOC GYDNABYDDEDIG

Buddsoddiadau a Restrwyd neu a Fasnachwyd ar Gyfnewidfa Stoc Gydabyddedig	Cronfeydd Cyfyngedig £	Cronfeydd Gwaddol £	Cyfanswm 31.3.24 £	Cyfanswm 31.3.23 £
Gwerth ar y Farchnad Ar 1 Ebrill	115,691	165,554	281,245	289,709
Ychwanegiadau	-	-	-	-
Gwarediadau	-	-	-	-
Ailbrisio	2,756	3,931	6,687	(8,464)
Trosglwyddiadau	-	-	-	-
Gwerth Net ar Bapur ar 31 Mawrth	118,447	169,485	287,932	281,245

Nid oedd unrhyw asedau buddsoddi y tu allan i'r DU.

Mae'r buddsoddiadau'n bennaf yng Nghronfeydd Buddsoddi Awdurdodedig Elusennau y DU Elusennau BLK gyda daliadau bach mewn stociau gilt ac ecwiti.

b. EIDDO BUDDSODDI

Eiddo Buddsoddi	31.3.24 £	31.3.23 £
Gwerth ar y Farchnad ar 1 Ebrill	3,810,500	4,093,000
Ychwanegiadau	-	-
Gwarediadau	-	(282,500)
Amhariad	-	-
Enillion / (Colledion) Ailbrisio	(50,100)	-
Trosglwyddiadau	-	-
Gwerth Net ar Bapur ar 31 Mawrth	3,760,400	3,810,500

Cafodd y Stâd ei brisio ym mis Mawrth 2024 ar gyfanswm gwerth o £3,760,400 ar sail y gwerth defnydd presennol gan Sarah V. Williams, Uwch Swyddog Prisio Cyngor Sir Ynys Môn.

8. DYLEDWYR: SYMIAU’N DDYLEDUS O FEWN BLWYDDYN

Dyledwyr: Symiau'n ddyledus o fewn blwyddyn	31.3.24 £	31.3.23 £
Symiau y gellir eu hadennill ar gontract	116,914	111,151
Darpariaeth ar gyfer drwg-ddyledion	(48,319)	(48,319)
Cyfanswm Dyledwyr	68,595	62,832

Penderfynwyd yn 2017/18 y byddai’n ddoeth creu darpariaeth ar gyfer drwg-ddyledion oherwydd cyfanswm y dyledion hanesyddol oedd wedi cronni. Fodd bynnag, mae ymdrechion i gasglu’r symiau sy’n ddyledus gan gyn-denantiaid wedi cynyddu, gyda rhai llwyddiannau.

9. ARIAN YN Y BANC

Mae hyn yn cynrychioli’r balans o fewn y cronfeydd ariannol a gedwir gan Gyngor Sir Ynys Môn ar ran Ymddiriedolaeth Addysg Bellach Ynys Môn.

Arian yn y Banc	Ymddiriedolaeth Addysg Bellach 1/3 £	Ymddiriedolaeth Addysg Bellach 2/3 £	Stâd Elusenol David Hughes £	Cyfanswm Cronfeydd 31.3.24 £	Cyfanswm Cronfeydd 31.3.23 £
Arian yn y Banc	36,609	153,239	510,122	699,970	748,320
Adneuon Banc	36,609	153,239	510,122	699,970	748,320

10. CREDYDWYR: SYMIAU’N DDYLEDUS O FEWN BLWYDDYN

Credydwyr: Symiau'n ddyledus o fewn blwyddyn	Cronfeydd Cyfyngedig £	Cronfeydd Gwaddol £	Cyfanswm 31.3.24 £	Cyfanswm 31.3.23 £
Credydwyr eraill	-	(8,505)	(8,505)	(17,348)
Cyfanswm Credydwyr	-	(8,505)	(8,505)	(17,348)

11. SYMUDIAD MEWN CRONFEYDD

a.

Symudiadau mewn Cronfeydd	1.4.23 £	Symudiad Net mewn Cronfeydd £	31.3.24 £
Ymddiriedolaeth Addysg Bellach 1/3	111,886	4,989	116,875
Ymddiriedolaeth Addysg Bellach 2/3	185,870	5,551	191,421
Cronfeydd Cyfyngedig	297,756	10,540	308,296
Stâd Elusenol David Hughes	4,587,793	(87,696)	4,500,097
Cronfeydd Gwaddol	4,587,793	(87,696)	4,500,097
Cyfanswm Cronfeydd	4,885,549	(77,156)	4,808,393

b. Mae symudiad net mewn cronfeydd, a gynhwysir yn yr uchod, fel a ganlyn:-

Symudiadau Net mewn Cronfeydd wedi'u cynnwys yn yr uchod:	Adnoddau Incwm £	Gwariant £	Trosglwyddiadau £	Enillion a Chollodion £	Symudiad mewn Cronfeydd £
Ymddiriedolaeth Addysg Bellach 1/3	4,275	(1,150)	-	1,864	4,989
Ymddiriedolaeth Addysg Bellach 2/3	7,659	(3,000)	-	-	4,659
Cronfeydd Cyfyngedig	11,934	(4,150)	-	1,864	9,648
Stâd Elusenol David Hughes	157,068	(198,595)	-	(46,169)	(87,696)
Cronfeydd Gwaddol	157,068	(198,595)	-	(46,169)	(87,696)
Cyfanswm Cronfeydd	169,002	(202,745)	-	(44,305)	(78,048)

12. TÂL A BUDDION YR YMDDIRIEDOLWYR

Treuliau Ymddiriedolwyr

Ni thalwyd unrhyw dâl i'r ymddiriedolwyr yn ystod y flwyddyn yn diweddu 31 Mawrth 2024 nac y flwyddyn yn diweddu 31 Mawrth 2023. Mae hyn yn gysylltiedig â'r Ymddiriedolwr, hynny yw, aelodau'r Pwyllgor Gwaith a Tîm Arweinyddiaeth Cyngor Sir Ynys Môn yn gweithredu ar ei ran. Gweler Nodyn 13 (Datgeliadau Parti Perthynol) mewn cysylltiad â'r ffioedd a dalwyd i'r ymddiriedolwr corfforaethol ar gyfer costau eiddo a gweinyddu ariannol.

13. DATGELIADAU PARTI PERTHYNOL

Cyngor Sir Ynys Môn

Mae Cronfa Ymddiriedolaeth Addysg Bellach Ynys Môn yn cael ei gweinyddu gan Gyngor Sir Ynys Môn. Codwyd ffi rheoli eiddo o £8,567 (£7,919 yn 2022/23) gan y Cyngor i weinyddu Stâd David Hughes. Yn ogystal, codwyd ffi rheoli ariannol o £4,004 (£3,387 yn 2022/23) ar yr Ymddiriedolaeth ar gyfer gweinyddiaeth ariannol a chynhyrchu cyfrifon. Felly, roedd cyfanswm y ffioedd a adenillwyd gan y Cyngor yn £12,571.

Oherwydd natur gweithrediadau'r elusen, a gan mai unig ymddiriedolwr yr elusen yw Cyngor Sir Ynys Môn, mae'n anochel y bydd trafodion yn digwydd gyda sefydliadau sy'n gysylltiedig â'r Cyngor a'i weithwyr. Cynhelir yr holl drafodion y gall Cyngor Sir Ynys Môn fod â diddordeb ynddynt o hyd braich. Mae gan y Cyngor bolisi bod yn rhaid i bob Cynghorydd ac aelodau'r Tîm Arweinyddiaeth ddatgan diddordeb os bydd trafodyn yn ymwneud â pharti cysylltiedig yn digwydd.